



Kommunalbestyrelsi 24. februar 2022 nal. 10:00

Kommune Qeqertalik Kommunalbestyrelsi
02-2022

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqa	S
Frederiksen, Ole I.	S

Ataatsimiinnermi aqutsisoq:

Ane Hansen, IA

Allatsi:

Kulunnguaq Reimer Olsen

Ataatsimiinneq:

Teamsikkut

ULLORMUT OQALUUSERISASSAT

22-003 Qimmeqarneq pillugu ileqqoreqqusap tusarniutigineqarnera	4
22-004 Kommune Qeqertalik Nunarsuarmi Timimik aalatitsinerpaajunissamut peqataasoq.	7
22-005 ESANI A/S-imi kommunip piginneqataassutaanik qularnaveeqqusiineq	10
22-006 Kommune Qeqertaliup suliassaqarfiani kinguaassiuutit pillugit politikki	13
22-007 Utoqqaat innarluutilillu siunnersuisooqatigiivisa ileqqoreqqusaannik nutarterinissaq	15
ILISIMATITSISSUTIT	16
22-008 Inissiat missingersuutaat 2022 pillugu ilisimatitsissut	16
22-009 Kandidatinngorniap allaaserisaa	18
ATAATSIMIINNEQ NAAVOQ:	19
ATSIORFISSAQ:.....	19

Oqaluuserisag	Oqaluuserisassat akuerineqarnerat
----------------------	--

Oqaaseqaatit:

AALAJANGERNEQ:

--

Suliap nr.	22-003	Ilanngussap normua	02	Journal nr.	
Eqqartugaq	22-003 Qimmeqarneq pillugu ileqqoreqqusap tusarniutigineqarnera				

EQIKKAANEQ:

Kommune Qeqertalik qimmeqarneq pillugu ileqqoreqqusamut nutaamut siunnersuut suliarineqarnikuuvoq. Tamanullu tusarniutigineqarluni piffissami 17.07.2021-miit 12.11.2021 ilanngullugu. Tusarniaanermilu akissutit katillugit allakkat tallimat tiguneqarput. Tusarniutigineqartunilu akissutigineqartut saqqummiunneqassapput.

SULIAP SAQQUMMIUNNEQARNERA:

Qimmeqarneq pillugu ileqqoreqqusamut nutaamut siunnersuut tusarniutigineqartoq ilanngussami takuneqarsinnaavoq. Tusarniaanerup nalaani akissuteqaatigineqartut ilanngussani takuneqarsinnaapput.

Toqqaannartumik ileqqoreqqusamut tusarniutini qisuariarfigineqartut naatsumik ersarissumik makkuupput:

1. Nammineq illuutillit eqqaminnut ajornanngitsumi inissiisarnerat, inissianik attartortakkani inissiaqartunut sanilliullugu. Tassunga tunngatillugu assigiimmik iluarsiisoqartariaqartoq, qimmit ulorianarsinnaammata illoqarfiup iluani.
2. Piaqqisoornermi ungaluniisineqartarnissaat siunnersuutigineqarpoq.
3. Qimmiaqqat sisamanik qaammateqaleraangamik pitunneqartarnissaat innersuussutigineqarpoq.
4. Nutaamik qimmilivimmik pilersitsineq.
5. Nutaamik qimmilivimmik pilersitsineq.
6. Illunut pituffiit 7 meterinik ungasissuseqarnera najugaqartutut kissaatigineqanngilaq, niviukkat timmissallu pillugit orniginartinnagit.

Siullermut tunngatillugu, kommunip pilersaarutaani tapiliussani aammalu kommunip pilersaarutaani aalajangersakkat aallaavigalugit, piffiit aalajangersimasut periarfissaqarput qimmeqarfittut nunaminertat atorneqarsinnaaneramik. Tassa imatut paasineqassaaq, nunaminertat aalajangersimasut kisimik qimmeqarsinnaanermut periarfissaqartitsipput.

Aappaanut tunngatillugu nunaminertamik qimminut atorneqartussanut atugassiinermi, piumasaqaatinik kalunnernut, quinut aamma ungalukkanut il.il. saneqarnerinut inissinnerinullu piumasaqaatit ilanngullugit nassuiaatigineqartarput nunaminertamik atuineri malinneqartussanik. Piumasaqaatit malinneqartussat pioreerput taamaattumik immikkut ileqqoreqqusami ilanngussinissaq pisariaqarani.

Pingajuanut tunngatillugu, qimmiaqqat qaammatini sisamanik utoqqaassuseqaleraangata pitunneqartarnissaanut innersuussineq pilianut illunut kamanaallisaarisarneri pillugit, ileqqoreqqusami allannguinnissamut pisariaqarsorineqanngilaq. Pissutigalugu pilisup piliami serlersaarfigineqannginnissaa qulakkeertussaammagu. Uumasut pilianut serlersaarisartut qimmiaraannaanngillat, kisianni tulukkat, naajat, teriannissat qimmillu inersimasut serlersaarisinnaanerit periarfissaasuaannarpoq qaqqungukkulluunniit.

Sisamaanut aammalu tallimaanut tunngatillugu siunnersuutigineqartoq. Nutaamik qimmilivimmik pilersitsineq illut aammalu inissiaqarfiit akornanni. Siunnersuutigineqartoq kommunimi illoqarfinni nunaqarfinnilu pilersaarusernermik suliaqarfiup iluaniippoq. Kommunip pilersaarutaanik tapiliussanik nutaanik imaluunniit allannguinnermik suliarineqarnerani piffinni pineqartuni qimmilivissatut siunnersuutigineqartut periarfissat saqqummiunneqartarput aammalu

innuttaasunut tamanut tusarnutigineqarlutik. Tassani periarfissaavoq siunnersuuteqarnissaq imaluunniit oqaaseqaateqarnissaq.

Arfernanut tunngatillugu, illut eqqai tamarmik qimmeqarsinnaanermut periarfissaqartitsinngillat, taamaallaat piffiit aalajangersimasut nunaminertamik qinnuteqarnikkut periarfissaqartitsipput. Taamaattumik nunaminertamik qimminut atorneqartussamik tunniussinnginnermi kommuniq pilersaarusiarnut tapiliussaani periarfissaanersoq misissorneqaqqartarpoq. Erseqqissaassut piffinni tamani illuinnaat akornanni 7 meeterinik ungasissusilinnik qimmiliveqarnissaanik ileqqoreqqusassatut siunnersuut periarfissaqartitsinngilaq.

Tusarniaanermi allakkat tiguneqartut tamarmik ilanngussani atuarneqarsinnaapput. Allakkani qisuariarfigineqartut nalilersornerini qimmeqarneq pillugu Kommune Qeqertaliup ileqqoreqqusassatut siunnersummut allannguutissanik soqanngilaq. Taamatullu isikkoqartillugu allattoqarfimmit akuerineqarnissaa innersuussutigineqarpoq.

ANINGAASATIGUT KINGUNISSAI:

Aningaasartuutaasartut ingerlatsineri ukiumut aningaasaliissutaasartut iluaniipput.

KINGUNISSAT:

Qimmeqarnermut ileqqoreqqusamik Kommune Qeqertalik peqalissaaq.

INATSISITIGUT TUNNGAVIUSOQ

- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. Oktober 1998-imeersoq
- Qimmit qimuttut kiisalu qimmeqarneq qitsuuteqarnerlu pillugit inatsisartut inatsisaat allanngortinnissaanut Inatsisartut inatsisaat nr. 28, 18. November 2010-meersoq (Qimuttunik qimmeqarfiiit killeqarfilerneri, qimmit tavaannartut taarsiiffigineqartanngitsumik toqunneqartarnerat, aamma tuloriaajaanermut inerteqqusiineq)
- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata allanngortinneqarneranik Inatsisartut inatsisaat nr. 2, 22. November 2011-meersoq (Qimmit paatinneqartartut nukittuullu eqquteqqusaajunnaarnerat)
- Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 24, 28. November 2016-imeersup allanngortinneqarneranik Inatsisartut inatsisaat. (Inatsisitigut piumasqaataasumik akiuussutissaliineq, nalunaaqutsersuineq nalunaarsuinerlu pillugit allannguutit)

SULIAP SULIARINEQARFIA:

Ataatsimiititaliaq Inoqarfik – Ataatsimiititaliaq Inua – Kommunalbestyrelsi

INASSUTEQAAT:

Allattoqarfiup ataatsimiititaliaq Inoqarfik, Ataatsimiititaliaq Inua aammalu Kommunalbestyrelsimut inassutigaa:

- Qimmeqarnermut ileqqoreqqusatut siunnersuut kikkunnut tamanut tusarniutaareersoq, taamak isikkoqartillugu akuerineqassasoq. Ileqqoreqqusallu atuuttussanngortinnissaanut namminersorlutik oqartussanut ingerlateqqinneqassasoq.

ILANNGUSSAT:

Ilanngussaq 03-01 Qimmeqarnermut ileqqoreqqusassatut siunnersuut
Ilanngussaq 03-02 Qimmeqarnermut malittarisassamut
Ilanngussaq 03-03 Qimmeqarnermut ileqqoreqqusaaq tusarniut pillugu
Ilanngussaq 03-04 Innutaasup oqaaseqaataa qimmeqarnermut ileqqoreqqusaaq pillugu
Ilanngussaq 03-05 Qimmit illup eqqaani
Ilanngussaq 03-06 Qimmeqarnermut malittarisassat pillugit

AALAJANGERNEQ:

Ataatsimiititaliaq Inoqarfik 7. December 2021 ataatsimiinneranni aalajangerneq:

IA ileqqoreqqusami qimminik kapoorisarneq aamma piffikkaartumik qimmeqarfiit sumiiffii
inississorneqarsinnaanerat ersarissumik allaqqassasut kissaatigaat.
Siumut kissaatigineqartumut ilaliivoq.
Inassuteqaat akuerineqarpoq.

AALAJANGERNEQ:

Ataatsimiititaliaq Inua 15. December 2021 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

--

Suliap nr.	22-004	Ilanngussap normua	04	Journal nr.	
Eqqartugaq	22-004 Kommune Qeqertalik Nunarsuarmi Timimik aalatitsinerpaajunissamut peqataasoq.				

EQIKKAANEQ:

Timersoqatigiit kattuffiat ulloq 14. Maj 2021 Kommune Qeqertalimmut kaammattuivoq ukioq 2030-mi nunarput timimik aalatitsinerulernissamut Kommune Qeqertalik peqataanissaanut. Misissuinerit takutimmassuk nunatsinni innuttaasut pualavallaartut ukiuni kingullerni amerligaluttuinnartut, 2018-mi innuttaasut 27%-ii pualavallaartut. Kommune Qeqertalik timimik aalatitsinerunissamut peqataarusuppat Timersoqatigiit kattuffiat suleqataajumavoq periarfissanut aammalu politikikkut anguniakkanut kommunitisinni takorluukkanut piviusunngortitsinissamut.

SULIAP SAQQUMMIUNNEQARNERA:

Kalaallit Nunaat nunarsuarmi timimik aalatitsinerpaaq Timersoqatigiit Kattuffiata siunniussaralugu anguniarpaa, ukioq 2030-mi nunarput nunarsuarmi timimik aalatitsinerpaaffinngussasoq.

Maanna taamak inissisimatilluta inersimasut nunatsinni najugaqartut 36%-iinnai timersortarput aalasarlutillu. Kingunerisaanik 2018-mi misissuinerit inernerivaa innuttaasut 27%-ii pualavallaartut. Peqqissuseq qiviassangaanni arnat pingajorarterutaat, angutit sisamararterutaat assut oqimaappallaarput. Taamatullu peqatigiiffiit timersoqanermik siunertaqartuni ilaasortaqaarneq eqqarsaatigalugu, nunatsinni ilaasortat amerlajunnaarsimapput. Peqatigiiffilerineq taamatullu kajumissutsimik suliaqartartut aamma amerlanngillat.

2030-mi anguniagassatut takorluugaarivaat Kalaallit Nunaanni amerlanerit aalasassasut, ataatsimut aalaffiusuni amerlanerit peqataasalissasut.

Aalasa 2023-mut periusissaqarpoq, ilaatigut imak imaqartoq; Meeqqat aalanikkut ilikkagaqartarput. Timersorneq aqutigalugulu imminnut tatiginerulernerat pinngortarpoq. Taamatullu aamma avammut attaveqaatinittarlutik. Taamaattumik meeraaneranniit peqqinnartunik naleqartitsineq pilersinneqassooq. Anguniarpaat meeqqat atuarfinni aammalu meeqqerivinni aalanerulernissaat anguneqassasoq, tamannalu anguneqassappat meeqqerisut ilinniartitsisullu amerlanerusut timersortitsisinnaassuseqartariaqarput. Meeqqeriviit aammalu atuarfiit kisimik kivitsiniassanngallat, tassanilu peqataalluinnassapput angajoqqaat aammalu peqatigiiffiit.

Illoqarfinni uummarissaasut ilagilluinnarpaat kajumissutsimik aammalu peqatigiiffinnik suliaqartartut. Taakkuuppullu innuttaasut 4%-nai. Innuttaasut kajumillutik sulisartut peqatigiiffilerisullu amerlanerulersissappata atugassarititaasut pitsanngorsarneqassapput. Ilaatigut attaveqaatinik sinaakkusissiuussineq aqutigalugu kajumissutsimik suliaqarnissaq soqutiginarsarneqassaaq. Anguniarpaat peqatigiiffiit amerlanerit kajumissutsimik suliaqarneq pillugu periusissiaqassasut. Kajumissutsimik sulisut peqatigiiffilerisullu nersualaarneqarneq suliaminnit, aammalu ikiunnerat soqutigineqartutut misigissavaat. Taamatullu pikkorissarnernut amerlanernut periarfissinneqassapput.

Piffiit ilaanni timersortarfiit nutaanngilisimasut piffissamut naleqqukkunnaarsimapput. Timersortarfiinnaanngillalli piffissamut naleqqukkunnaarsimasut. Pineqarput aamma silami timersorfiusinnaasut. 2023-mi Timersoqatigiit kattuffiata ukkatarerusuppat oqaloqatiginnikkusullutillu illoqarfimmi timik aalatitsiviusut aammalu timersortarfimmi qanoq aaqqissuussaananerat.

Anguniarpaat timersortarfiit pillugit kommunit amerlanerusut periusissiaqarnissaat iliuuseqarfigisaminnik. Peqatigiiffiit arlallit timersortarfiit pitsannguuteqarnissaannut suleqatigiissasut. Timersortarfiit nutaat pioreersullu atorneqarnerulernissaannut nalimmassarneqarnissaannullu suleqatigiisitamik pilersitsisoqassaaq, taakkuussappullu atuisussanik aalanissamut aallussilertitsisut.

ANINGAASATIGUT KINGUNISSAI:

Massakkumuungallartoq naatsorsorneqarsinnaanngilaq anguniagaq qanoq aningaasatigut kinguneqarumaarnersoq, takussutissaqalerumaarpoq ilusilersorluni sinaakkusersorneqareernerani.

KINGUNISSAT:

Timikkut tarnikkullu peqqissutsikkut, eqqarsartariaatsimut aammalu ilorrisimaarnermut iluaqutaassooq timimik aalatitsineruneq. Kingunerisaanillu inuttut ataasiakkaatut iluaqutissatut taakkartorneqarput;

- Uierpallaarunnaarneq (mindre stress)
- Nukissaqalerneq nuannaarnerulerlu
- Ilikkajanerulerneq
- Inuttut piginnaasatigut siuariaateqarneqarneq
- Peqatissartaartorneq
- Timikkut nukittorneq
- Inuunerissaarnermik sivitsuineq

•

Taamatullu inuiaqatigiittut iluaqutaasinnaasut makku taakkartorneqarput;

- Katerittarnikkut nukittuuteqarneq
- Peqatigiiffilerinikkut nukittuuteqarneq
- Peqqinnissaqarfiup aningaasartuutai annikinnerit
- Angusarissaarnerulerneq
- Ilinniakkatigut angusarissaarnerulerneq
- Inuiaat nukittuut

Kommune Qeqertaliup anguniangaani Peqqissuuneq pinaveersaartitsinerlu ilaatigullu Kulturi kinaassuserlu anguniakkat Aalasa anguniagai assigiikannersuupput, taamaasillutik anguniagassanngorsimasut Kommune Qeqertalimmi matussuserneqarnissaanut sinaakkusersueqataassapput.

INATSISITIGUT TUNNGAVIUSOQ

Politikkikkut toqqammaviusumik isumaqatigiissut, Inuit Ataqtigiit, Atassullu Kommune Qeqertalimmi Kommunalbestyrelsesemi suleqatigiinnissamik isumaqatigiissutaat 5. Marts 2019 imm. 3:

“Kulturikkut naleqartitavut timersorneq, qimusserneq, nipilersorneq, erinarsorneq, isiginnaartitsineq, atuakkiorneq, filmiliorneq, inuiattullu nutaaliortuarnerput pingaartillugu ineriartortitsissuugut”.

SULIAP SULIARINEQARFIA:

Ataatsimiititaliaq TIMI TARNILU

Ataatsimiititaliaq INUA

Kommunalbestyrelse

INASSUTEQAAT:

Allattoqarfiup inassutigaa Kommune Qeqertalik nunarsuarmi timimik aalatitsinerpaamut suleqatiserinninnerat akuerissangaa.

Inassuteqaat akuerineqarpat Aalasa politikkiliorneqassaaq, tassanilu Timersoqatigiit Kattuffiat suleqatiserinnippoq Aalasa politikkiliornissaanut sinaakkusersueqataanissaminut.

ILANNGUSSAT:

- Ilanngussaq 04-01 GIF allagaa - Nunarsuarmi timimik aalatitsinerpaaq 2030
- Ilanngussaq 04-02 – GIF Aalasa periusissaq 2023

AALAJANGERNEQ:

Ataatsimiititaliaq Timi Tarni 9. December 2021 ataatsimiinneranni aalajangerneq:

Inassuteqaat akuerineqarpoq.

AALAJANGERNEQ:

Ataatsimiititaliaq Inua 15. December 2021 ataatsimiinneranni aalajangerneq:

Inassuteqaat akuerineqarpoq.

AALAJANGERNEQ:

--

Suliap normua	22-005	ilanngussap nr.	05	Journal nr.	
Sammissaq	22-005 ESANI A/S-imi kommunip piginneqataassutaanik qularnaveeqqusiineq				

EQIKKAANEQ:

ESANI A/S Nuummi Sisimiunilu ikuallavissap aningaasalersorneqarnissaanut attartornissamut neqeroorusiortitsivoq. Piginneqatigiiffiup atorniarnissamut neqeroorutit ulloq 17. december 2021 akuersissutigivai, qularnaveeqqusiinerup piginnittunit kommunimi naalakkersuinikkut akuersissutigineqarnissaa naatsorsuutigalugu.

Uannga suliamik saqqummiussap akuerineratigut aningaasanik attartortitsisartut suliffeqarfimmut atukkiinermini Kommune Qeqertaliup ESANI A/S piginneqataassutini qularnaveeqqutigissavai.

Suliami saqqummiussinerup piginneqatigiiffiup nammineerluni aningaasanik attartortitsisartunut qularnaveeqqusineranut tunngassuteqanngilaq. Taarsigassarsinermi Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersumi § 3-mi imm. 1-imi piumasqaat 25 procentimik akiliisinnaassuseqarnissamut tunngasoq naammassineqarpoq.

SULIAP SAQQUMMIUNNEQARNERA:

Kommune Qeqertalik ESANI A/S-imi piginneqataavoq Aningaasaliissutaasuniit Kommunip piginneqataasutai 500.000 kr.-iupput, taakkulu 25 %-inut naapertuupput. Piginneqataasut allat tassaapput Kommuneqarfik Sermersooq, Qeqqata Kommuniamma Kommune Kujalleq. Kommunit taakkua aningaasanik piginneqataassutini tamarmik immikkut 25 %-inik piginnittuupput.

Illoqarfinni aamma nunaqarfinni ataasiakkaani eqqakkanik talittarfimmiittunik piginneqatigiiffiup aallernissaata tungaanut kommunimi innuttasunit aamma suliffeqarfinniit eqqakkanik katersanik passussinermut kommuni akisussasuuvoq. Kommune Qeqertaliup kommunimi eqqagassalerineq pillugu pilersaarutaa martsimi ataatsimiititaliamut saqqummiunneqassaaq uanilu saqqummiussami annertunerusumik suliarineqarani.

Suliffeqarfiup ESANI A/S-ip siunertaraa avatangiisitigut- aamma ingerlatsinikkut kommunit ataatsimoorussamik suliassaataannik suliaqarneq. Kommunimi illoqarfiit aamma nunaqarfit eqqagassaataannik aallerneq aamma suujunnaarsitsineq suliffeqarfiup suliassara. Suliffeqarfik ingerlatsinermut isumaqatigiissuteqarfigineqarpoq. Tamatuma saniatigut suliffeqarfik iluarsartuussinernik- aamma atoqqiineramik suliaqarnermik ingerlatsisinaavoq.

Eqqakkanik ikuallanneqarsinnaasunik ikuallaanissami ikullaaviit avatangiisitigut akuerineqarsimasut marluk pilersinneqassapput, Sisimiuni aamma Nuummi. Sanaartornermi aningaasartuutit tamarmiusut 446 mio. kr.-iunissat eqqoriarneqarpoq.

ikuallaavissat sananeqarnissaannut sanaartornermi taarsigassarsinissaq pillugu suliffeqarfik neqeroorummik tigusaqarpoq:

Attartornerup ilusaa	Institut	DKK
Sanaartornermut atasumik taarsigassarsineq	Grønlandsbanken	125.000.000
Sanaartornermut atasumik taarsigassarsineq	BankNordik	125.000.000
Sanaartornermut atasumik taarsigassarsineq	Nykredit	50.000.000

Sanaartukkat atorneqalerpata ungasinnerusooq eqqarsaatigalugu taarsigassarsinissuniit aamma

anigaaserivinnut attartukkanut taarserneqarnissaannut aningaasalersuutissat piffissamut sivisuumut atuuttussat piariaqartinneqaroput:

Attartornerup ilusaa	Institut	DKK	Piffissaq akilersuiffiusoq
Qularnaveeqqusiilluni taarsigassarsiniartarfii	Nykredit	170.000.000	Ukiut 20-it
Inuussutissarsiornermut taarsigassarsineq	Grønlandsbanken	85.500.000	Ukiut 20-it
Inuussutissarsiornermut taarsigassarsineq	BankNordik	85.500.000	Ukiut 20-it

Suliffeqarfiup sanaartornissaanut taarsigassarsiniartarfimmiit aningaasalersuutissatut piumasaqaataavoq, kommunit piginneqatigiiffimmi pigneqataassutitik qularnaveeqqusiutissagaat. Tamatuma saniatigut piginneqatigiiffimmiit piginnittunut sinneqartoorutininik tunniussinissaq pillugu nalunaruteqartoqassaaq aatsaat aningaaseriviit akuersissuteqarpata.

Kommunit ESANI /S-imi piginneqatassutitik piginneqatigiiffiup attartugaasa qularnaveeqqusiussinagaat ulloq 16. december 2021 Naalakkersuisut akuersissutigaat.

ANINGAASATIGUT KINGUNEQAATIT:

Suliniut kommunimut toqqaannartumik aningaasaqarnikkut kingunissaqanngilaq. Suliffeqarfiup attartugaanut 422 mio.kr.-isunut Kommunip suliffeqarfimmi ESANI A/S-imi piginneqataassutai 500.000 kr.-it qularnaveeqqutaassapput. Piginneqatigiiffik akiliisinnaajunnaassagalarpat kommunip qularnaveeqqusiinermi piginneqataassutit 500.000 kr.-iusut annaassavai. Taamaattorli ingerlatsiviup tassunga killikkallarsinnaanera taamaalilluni kommunip piginneqatassutimi annaanissaat, suliffeqarfimmut ingerlatsinissamut aamma missingersuutinut pilersaarutit suliarineqarsimasut pissutigalugit ernumaateqanngilaq.

KINGUNEQAATIT:

Kommunip piginneqataassutiminik qularnaveeqqusiinera, kiisalu suliffeqarfiit kommuninit pigineqartut illuutinik aamma atortunik pissarsinermi, qularnaveeqqusiinermi kiisalu attartornerni inatsisartut inatsisaannik nr. 23 28. november 2018-meersumik akuersissuteqareernerup kingorna, ESANI A/S sanaartornermi taarsigassarsiat atorsinnaanngussavai sanaartugassarlu aallartillugu. Sanaartukkat atornerqalerpata Kommune Qeqertalik aammalumi kommunit allat avatangiisitigut illersorneqarsinnaasumik eqqakkanik ikuallanneqarsinnaasunik suliffeqarfik ikuallaasinnaalissaaq.

Inatsit tunngaviusoq:

- Kommunit aamma Namminersorlutik Oqartussat missingersuutaat aamma naatsorsuutat pillugu inatsit.
- Ingerlatsinermut Aningaasaqarnermillu Aqutsinermut Najoqqutassiaq

SULIAP SULIARINEQARFIA:

Kommunip ESANI A/S-imi piginneqatassutaanik qularnaveeqqusiineq Kommunalbestyrelsimi aamma Naalakkersuisuni suliarineqassaaq Kommunit aamma Namminersorlutik Oqartussat missingersuutaat aamma naatsorsuutat pillugu inatsit napertorlugu. Qularnaveeqqusiineq ulloq 16. december 2021 Naalakkersuisunit akuerineqarpoq.

INASSUTEQAAT:

Qullersaqarfik Ataatsimiititaliaq Inoqarfimmut ima inassuteqarpoq:

- suliffeqarfiup ESANI A/S-imi kommunip piginneqataassutai Grønlandsbankimi, BankNordikimi aamma Nykredit-imi suliffeqarfiup attartugaanut qularnaveeqqusiunneqassasut
- suliaq Kommunalbestyrelsimut akuersissutigineqartussanngorlugu ingerlateqqinneqassasoq

ILANNGUSSAT:

Ilanngussat 05-01 ESANI A/S-ip Grønlandsbankimit, Banknordikimit aamma Nykreditimit attartulernerani piginnittut pisussaaffii pillugit nassuiaat

Ilanngussaq 05-02 Piginneqatassutit qularnaveeqqusiussaananeratt pillugu nalunaarut

Ilanngussaq 05-03 Kommunip ESANI A/S-imut piginneqataassutaasa suliffeqarfiup attartornerani qularnaveeqqusiunneqarnerannut Naalakkersuisut akuersissutaat

AALAJANGERNEQ:

Ataatsimiititaliaq Inua 16. Februar 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

--

Sag nr.	22-006	Bilag nr.	06		
Oqaluuserisaq	22-006 Kommune Qeqertaliup suliassaqarfiani kinguaassiuutit pillugit politikki				

EQIKKAANEQ:

Qeqertalimmi kinguaassiuutit pillugit politikki pilersinniarnearpoq, pingaaruteqarmat ersarissumik politikkeqarnissaa.

Kinguaassiuutit pillugit politikki ilanngunneqassapput meeraaqqerivimmiit utoqqarnut, ilanngullugulu aamma timimikkut tarnikkullu innarluuteqartut.

SULIAP SAQQUMMIUNNEQARNERA:

Timi Tarni ataatsimiititaliami akisussaaffiata iluaniippoq pitsaaliuineq, tamatumalu malitsigaa kinguaassiuutitigut politikkimik pilersitsinissaq. Politikkiornissap siunertaraa, innuttaasut/sullitat meeraappata utoqqaappataluunniit kinguaassiuutitigut sinaakkutit ilisimaaralugit ineriartornissaq.

Politikkip imarisassaata naatsumik saqqummiunnera:

- Ataatsimut anguniagassat
- Kinguaassiuutitigut kannguttaatsuliorfigineqarneq qaqugukkut pisarpa
- Kannguttaatsuliorfigitissimanerup ersiutaanik takunnissinnaaneq

Pitsaaliuinermi ataatsimiititaliamut atoqatigiinneq pillugu siunnersuutit ilanngussami takukkit.

Timikkut attaveqatigiissinnaanermut akuersissut (samtykke) ersarissumik nassuiaassutigineqassaaq. Tamannalu qaangerneqarsimappat qanoq iliuusissat qaammarsaaffigineqassapput. Immikkoortumik allaaserineqassapput innuttaasunut, sulisunut, aqutsisunut politikkerinullu.

Innuttaasut/sullitat eqqarsartaatsikkut timikkullu innarluutilinnut kinguaassiuutit pillugit immikkut maluginiagassartaqarput.

Innarluutilli pisinnaatitaaffeqarput, aamma kinguaassiuutit pillugit. Sullissisut angajoqqaajusullu immikkuullarissunik pisussaaffinnik allasimasunik malitassaqarpoq. Ilanngussami itinerusumik atuakkit.

Meeqqat aammalu meeqqat ersinngitsumillu innarluutillit kinguaassiuutitigut ineriartornerat ukiukkaartumik killiffiisa ineriartornerata pissusai allattorsimapput. Una siunertarineqarluni meeqqanut sullissisunut angajoqqaanullu meeqqap ineriartornermi kinguaassiuutitigut naliginnaasumik ineriartornermi pissusilersuutit paatsoorneqaqqunagit.

Kommune Qeqertallip suliffeqarfiani kinguaassiuutinut kannguttaatsuliornerlu politikki ilanngunneqassaaq. Kinguaassiuutinut kannguttaatsuliorneq pimmatiginnertulli ippoq, akuerineqanngilluinnarnera politikki ilanngunneqarpoq.

ANINGAASATIGUT KINGUNISSAI:

Soqanngilaq

KINGUNISSAT:

Kinguaassiuutit pillugit politikki pilersinneqarpat kingunerissuaat innuttaasut/sullitat sulisullu nalorninatik kinguaassiuutit killiffii assigiinngitsut ilisimaarilissavaat. Qaqugukullu nalunaartussaataaneq atornissaa aamma ilisimaarilissavaat.

INATSISITIGUT TUNNGAVIUSOQ

- Kommune Qeqertallip Meeqqanut-, Inuit-, Innarluutilinnut- aammalu utoqqarnut politikki
- Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq
- Angutit arnallu naligiissitaanissaat pillugu Inatsisartut inatsisaat nr. 3, 29. november 2013-meersoq

SULIAP SULIARINEQARFIA:

Ataatsimiititaliaq TIMI TARNI

Ataatsimiititaliaq INUIT

Ataatsimiititaliaq **INUA**

INASSUTEQAAT:

Allattoqarfiup Ataatsimiitsitalianut inassutigaa Qeqertalimmi kinguaassiutit pillugit politiki atuutsilernissaa akuereqqullugu.

ILANNGUSSAT:

Ilanngussaq 06-01 – Qeqertalik seksualpolitik forslag_KAL

Ilanngussaq 06-02 – Qeqertalik seksualpolitik forslag

AALAJANGERNEQ:

Ataatsimiititaliaq Inuit 2. Februar 2022 ataatsimiinnerani aalajangerneq:

Inassuteqaat akuerineqarpoq.

Erseqqissaassut: Ataatsimiititaliaq Inuit kissaatigaa “innuttaasoq” “sullitaq”-mik allanneqassasoq.

AALAJANGERNEQ:

Ataatsimiititaliaq Timi Tarni 3. Februar 2022 ataatsimiinnerani aalajangerneq:

Inassuteqaat akuerineqarpoq.

AALAJANGERNEQ:

Ataatsimiititaliaq Inua 15. December 2021 ataatsimiinneranni aalajangerneq:

Inassuteqaat akuerineqarpoq.

AALAJANGERNEQ:

Suliap nr.	22-007	Ilanngussap normua	07	Journal nr.	
Eqqartugaq	22-007 Utoqqaat innarluutilillu siunnersuisooqatigiivisa ileqqoreqqusaannik nutarterinissaq				

EQIKKAANEQ:

Utoqqaat innarluutilillu siunnersuisooqatigiivisa ileqqoreqqusaannik nutarterinissaq pillugu aalajangiivigisassaq saqqummiunneqarpoq.

SULIAP SAQQUMMIUNNEQARNERA:

Utoqqaat siunnersuisooqatigiivinut ileqqoreqqusaq kommunalbestyrelsip nammineerluni ilusilersorsinnaavaa, kisiannili innarluutilit siunnersuisooqatigiivi qanoq katitigaassanersoq Inatsisartut inatsisiliaatigut ilusilerneqareersimalluni. Taamaattumillu inatsit malillugu ileqqoreqqusaqalernissap suliarineqarnissaanut suliaq saqqummiunneqarpoq.

Inassuteqaat utoqqaat innarluutilillu siunnersuisooqatigiivisa ileqqoreqqusaannik nutarterinissaq akuerineqarpat, kommunalbestyrelsip marts 2022-mi ataatsimiinnissaanut aalajangiiffigisassat ilaatigut makku saqqummiunneqassapput:

- Qiningassanngortissinnaatitaasut
- Qinerneqarsinnaatitaasut
- Piffissaq qinersivissaq
- Piffissaq qinersiviusoq

Ilanngullugu aamma inassutigineqarpoq utoqqaat innarluutilillu siunnersuisooqatigiivisa ileqqoreqqusaannik nutarterinermi, meeqqat isummerfianni ileqqoreqqusamut assingusumik sanasoqassasoq; ilaasortanik qinersinermik imalimmik, illoqarfikkaartumik aallartitaqarnermik assigisaanillu imalimmik. Meeqqat isummorsorfiannut qinersinissami powerpoint, paasissutissanik imalik ilanngussaq 0x-03-imi takuneqarsinnaavoq.

KINGUNISSAT:

Inassuteqaat akuerineqarpat innarluutilit siunnersuisooqatigiivinut ileqqoreqqusaq inatsimmut nalimmassarneqassaaq.

Ilanngullugu aamma utoqqaat siunnersuisooqatigiivinut ileqqoreqqusaq malinnaatillugu nutarterneqassaaq, piffissamut nalimmassarneqarluni.

Inassuteqaat akuerineqarpat allaffissornermi suliaqartut, ileqqoreqqusanik nutarteralutik aallartissapput, kommunalbestyrelse marts 2022 ataatsimiinnissaanut saqqummiunneqartussamik.

SULIAP SULIARINEQARFIA:

Kommunalbestyrelse.

INASSUTEQAAT:

Allattoqarfimmiit kommunalbestyrelsimut inassutigineqarpoq utoqqaat innarluutilillu siunnersuisoqatigiivisa ileqqoreqqusaannik nutarterinissaq akuerineqassasoq. Inassuteqaat akuerineqarpat, ileqqoreqqusassanut missingiutit kommunalbestyrelsi marts 2022 ataatsimiinnissaanut aalajangiivigisassatut saqqummiunneqassapput.

ILANNGUSSAT:

Ilanngussaq 07-01 Utoqqaat siunnersuisoqatigiit Komm. Qeqertalik
Ilanngussaq 07-02 Innarluutilinnut siunnersuisoqatigiit Komm. Qeqertalik
Ilanngussaq 07-03 Meeqqat Isummorsorfianut qinersititsineq - Powerpoint

AALAJANGERNEQ:

--

ILISIMATITSISSUTIT

Suliap nr.	22-008	Ilanngussap normua	08	Journal nr.	
Eqqartugaq	22-008 Inissiat missingersuutaat 2022 pillugu ilisimatitsissut				

EQIKKAANEQ:

Kommunalbestyrelsip matumuuna kommunip inissiaataasa attartortittakkat immikkoortortaqarfiinut tallimaasunut missingersuutit 2022-imoortut tiguai.

SULIAP SAQQUMMIUNNEQARNERA:

Kommune Qeqertalimmi inissiat attartortittakkat peqqinnartuunissaat qulakkeerneqarnissaat, ulloq 28. Oktober 2021 kommunalbestyrelsimi aalajangerneqarpoq.
Taamaattumik Kommunimi inissianut attartortittakkanut akit 1. April 2022-imiik 10%-imik qaffanneqartussangorput.
Kommunalbestyrelsip aalajangernera tunngavigalugu inissiatileqatigiiffik INI A/S missingersuusiopq.

ANINGAASATIGUT KINGUNISSAI:

Soqanngilaq.

KINGUNISSAT:

Soqanngilaq

INATSISITIGUT TUNNGAVIUSOQ

- Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq

SULIAP SULIARINEQARFIA:

Ataatsimiititaliaq INUA aamma Kommunalbestyrelse

INASSUTEQAAT:

Qullersaqarfiup ataatsimiititaliaq Inuanut aamma kommunalbestyrelsimut inassutigaa:

- Kommunip inissiaataasa attartortittakkat immikkoortortaqaarfiinut missingersuutit tusaatissatut tiguneqassasut.

ILANNGUSSAT:

Ilanngussaq 08-01 Budget 2022 Boligafdeling 09-288 Kangaatsiaq

Ilanngussaq 08-02 Budget 2022 Boligafdeling 10-290 Aasiaat

Ilanngussaq 08-03 Budget 2022 Boligafdeling 10-291 Aasiaat

Ilanngussaq 08-04 Budget 2022 Boligafdeling 11-315 Qasigiannugit

Ilanngussaq 08-05 Budget 2022 Boligafdeling 14-346 Qeqertarsuaq

AALAJANGERNEQ:

Ataatsimiititaliaq Inua 15. December 2021 ataatsimiinneranni aalajangerneq:

Tusaatissatut tiguneqarpoq.

AALAJANGERNEQ:

--

Suliap nr.	22-009	Ilanngussap normua	09	Journal nr.	
Eqqartugaq	22-009 Kandidatinngorniap allaaserisaa				

EQIKKAANEQ:

Kommunemi pisortaaneq amerikarmiumik kandidatinngorniamik attavigineqarpoq, silaannaap kissatsikkiartornerata kingunerisaanik nunap qeriuannartup aannissaanut piareersaatit pillugit allaaserinnittumik.

“Minicipalities” (kommunit) aamma “government” (Naalackersuisut) qanoq allannguutissanut piareersimangitsigineri allaaserivai. Inerniliinerullu imaraa USA-mituulli kommunikkaartuunngittumik Kalaallit Nunaanni nuna tamakkerlugu sillimmatissatut pilersaarutit.

SULIAP SULIARINEQARFIA:

Kommunalbestyrelse.

INASSUTEQAAT:

Allattoqarfiup kommunalbestyrelsimut inassutigaa ilisimatitsissut tusaatissatut tiguneqassasoq.

ILANNGUSSAT:

Ilanngussaq 09-01 Abstract_kal

Ilanngussaq 09-01 Abstract_eng

AALAJANGERNEQ:

--

ATAATSIMIINNEQ NAAVOQ:**ATSIORFISSAQ:**

Hansen, Ane

Lundblad, Frantz

Broberg, Bia A.

Nathanielsen, Karl Thue

Aronsen, Hans

Lundblad, Klaus

Kristensen, Niels

Larsen, Mariane S.

Jeremiassen, Kristian

Heilmann, Simigaq

Kristensen, Naja

Jeremiassen, Nikkulaat

Sandgreen, Enok

Samuelsen, Aqqa

Frederiksen, Ole I.
